



Grupo Rímiko: Sablika

Rendel 'Mabú' Rosalia

Rudsel "Boeis" Comenencia

Letra Djawebs 19 di Mart, 2026



Djabi a nami e yabi yoatina pa nos fila

Elvisson Doran

Djabi ye ho ho mi tin bo yabi
Djabi ye mi tin e yabi di kunuku
Djabi ye Mi tin e yabi yoatina
Pa nos por marcha awe
Djabi ye mi tin e yabi di kunuku

Koro: Djabi ye mi tin bo yabi,
Koro: yabi yoatina habrié
Koro: Djabi ye mi tin bo yabi
Koro: Pa nos drenta kay'awé

Den fila den fila
Djabi a nami e yabi di kunuku ban pa bai
djabi a na mi e yabi pa nos
Djabi a name yabi
E porta m'a habrié
Port'i sabiduria
Sabiduria djariba
Pa nos fila bai dilanti
Kabes den un direkshon

Koro: den fila nos ta bai
Koro: den fila den fila den fila nos ta bai
Koro: fila wapa bai
"
"
"
"
"
Koro: Fila wapa bai den kaya

Djabi yabi yoatina
Forsa di kunuku mi ta yama pa nos fila
Mester sai simia
Duna suela su ofrenda
Brasa mester drenta tera
Sodó mester paga tera
Ku parti ku nos a haña di nos kosecha
Bandera ta señal di nos ofrenda
Duna direkshon awe n'e ruta ku nos mester bai, at'é

Koro: Djabi Yabi Yoatina
Koro: Pa mañan nos por fila
Koro: Pa mañan por fila bai
Koro: Pa mañan nos por fila
Koro: Pa mañan por fila bai
Koro: Bandera hisa bo bandera
Koro: Bandera hisa bo bandera

Mira nos awe
At'e momento a yega
pa nos ban fila

Koro será: den fila, den fila nos ta bai



Sali fo'i kunuku rumbo pa magazina
Awor te momento pa huntu nos ban fila

Koro será: ban den fila, den fila nos ta bai

awe
ku kurason
Ku ánimo
Ku vishon
Yen di motivashon
Pa logra kosnan bon
Mente den un direkshon
E pueblo aki ta den union
Ban magazina
Magazina di pueblo
Kurason di nos tera
Magazina ta yen
Yen yen te bash'afó
E kosecha ta bon
E kosecha ta bon
Dal e sla di fila
Pa nos marcha bai pariba
Zuai bo bandera pa nos duna direkshon
Ban
Fila ban **ban 2x**
Way'é bandera



Zuai, zuai bo bandera. Zuai bandera stòp
Zuai, zuai bo bandera. Zuai bandera stòp
Zuai, zuai bo bandera. Zuai bandera stòp
Zuai, zuai bo bandera. Stòp.
Señalá nos direkshon

Koro será: ban den fila, den fila nos ta bai

Fila bo ban
Pa un mihó mañan
Kabes den un direkshon
Rumbo pa kos mihó



Deskripshon i splikashon di e kantika

“Djabi a duna mi e Yabi Yoatina pa nos fila”

E kantika aki ta papia tokante e relashon profundo entre nos pueblo, nos antepasadonan i e tera. **Djabi** ta representá nos ruman grandi i nos antepasadonan ku a traha riba e kunuku i ku a laga sabiduria atras pa nos por sigui avansá.

E **yabi di kunuku** ta simbolisá e yabi ku ta habri e porta pa kosecha, abundansia i prosperidat. Den e kantika, “**Yabi Yoatina**” ta representá e poder i sabiduria ku nos antepasadonan a duna nos pa habri kamindanan nobo pa nos pueblo.

E palabra **fila** ta referí na marcha huntu den un liña, den union i den un mesun direkshon. Den tradishon di seú, e **bandera di maishi sorgo** ku ta bai te dilanti di e marcha ta indiká e rumbo ku tur hende ta sigui. Asina e bandera ta bira un simbolo di abundansia, guia i orientashon pa e pueblo kompletu.

Enfin, e kantika ta un yamamentu pa union i progreso: ku e yabi ku nos antepasadonan a laga pa nos, nos por habri e porta di futuro i marcha huntu den fila rumbo pa un mihó mañan.